

Mješoviti Holding „Elektroprivreda Republike Srpske“ Matično preduzeće a.d.Trebinje
Zavisno preduzeće „Rudnik i Termoelektrana Ugljevik“ a.d. Ugljevik

Broj: 14520 /23

Dana, 21.04. 2023. godine

Na osnovu člana 64. stav (1) tačka a), člana 70. stav 1, 2, 3. i 6. Zakona o javnim nabavkama („Službeni glasnik BiH“ broj: 39/14 i 59/22), člana 8. Pravilnika o uspostavljanju i radu Komisije za nabavke („Službeni glasnik BiH“ broj: 103/14), a na Preporuku Komisije za javnu nabavku broj: 14258/23 od 20.04.2023. godine, u postupku javne nabavke: „Nabavka čeličnih gredica“ – otvoreni postupak, interni broj 16/23, Uprava Preduzeća, na sjednici održanoj dana 20.04. 2023. godine, donijela je:

ODLUKU

o dodjeli Okvirnog sporazuma u postupku javne nabavke: „Nabavka čeličnih gredica“ – otvoreni postupak, interni broj 16/23

Član 1.

Prihvata se Preporuka Komisije za javne nabavke broj: 14258/23 od 20.04.2023. godine u postupku javne nabavke: „Nabavka čeličnih gredica“ – otvoreni postupak, interni broj 16/23, te se okvirni sporazum, sa opcijom mini tenderisanja, na period do 12 (dvanaest) mjeseci i maksimalne finansijske vrijednosti do 750.000,00 KM bez PDV-a, dodjeljuje sljedećim ponuđačima:

- „FERHEM“ d.o.o. Lukavac;
- „MARKANT“ d.o.o. Valjevo;
- „TREASURE“ d.o.o. Zenica;

Član 2.

Prijedlog okvirnog sporazuma dostaviće se na potpis izabranim ponuđačima po proteku roka od 15 (petnaest) dana, računajući od dana kada su ponuđači obaviješteni o izboru najpovoljnije ponude.

Član 3.

U slučaju ulaganja žalbe na ovu Odluku Ugovorni organ će postupiti u skladu sa članom 100. Zakona o javnim nabavkama BiH.

Član 4.

Ova Odluka će se objaviti na WEB stranici Ugovornog organa: www.riteugljevik.com, istovremeno sa upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama BiH.

Član 5.

Za realizaciju ove Odluke zadužuje se Služba komercijale Preduzeća i Služba za pravne i korporativne poslove.

Član 6.

Ova Odluka dostavlja se ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama BiH.

Obrazloženje

Postupak javne nabavke pokrenut je na osnovu Posebne odluke Uprave Preduzeća o pokretanju postupka javne nabavke broj: 8813/23 od 28.02.2023. godine i Posebne odluke Uprave MH “ERS” – M.P. a.d. Trebinje broj: 01-1009-2/23 od 20.03.2023. godine.

Javna nabavka je sprovedena putem otvorenog postupka.

Procijenjena vrijednost javne nabavke je 750.000,00 KM bez PDV-a.

Obavještenje o nabavci objavljeno je na portalu javnih nabavki dana 20.03.2023. godine, pod brojem: 1276-1-1-61-3-195/23.

Komisija za javne nabavke, imenovana Rješenjem Uprave Preduzeća broj: 12940/23 od 07.04.2023. godine, podnijela je Upravi Preduzeća Izvještaj o radu sa preporukom za dodjelu okvirnog sporazuma broj: 14258/23 od 20.04.2023. godine .

U postupku po Izvještaju je utvrđeno da je Komisija blagovremeno i pravilno izvršila otvaranje ponuda i o tome sačinila odgovarajući Zapisnik o otvaranju ponuda broj: 13619/23 od 12.04.2023. godine, u kojem je utvrđeno sljedeće:

Do zakazanog roka za prijem ponuda (do 12.04.2023. godine do 09:00 časova) zaprimljene su sljedeće ponude za predmetnu nabavku:

Naziv/ime ponuđača				
Blagovremene ponude/ datum i vrijeme prijema			Podkriteriji koji se vrednuju unutar kriterija ekonomski najpovoljnija ponuda	Neblagovremeno primljene ponude
1.	„FERHEM“ d.o.o. Lukavac	10.04.2023. godine u 12 ²⁰ časova	Cijena: 748.400,00 KM Rok isporuke: 20 kalendarskih dana	/
2.	„MARKANT“ d.o.o. Valjevo	11.04.2023. godine u 7 ³⁰ časova	Cijena: 382.780,00 EUR-a preračunato po zvaničnom srednjem kursu CB BiH iznosi: 748.652,61 KM Rok isporuke: 7 kalendarskih dana	/
3.	„TREASURE“ d.o.o. Zenica	11.04.2023. godine u 11 ¹⁵ časova	Cijena: 1.072.100,00 KM Rok isporuke: 30 kalendarskih dana	/
4.	Grupa ponuđača: „LOGISTICT & CONSULTING POINT“ d.o.o. Novi Sad i „ EX BC“ d.o.o. Beograd	12.04.2023. godine u 8 ³⁵ časova	Cijena: 740.700,00 KM Rok isporuke: 15 kalendarskih dana	
Krajnji rok za prijem ponuda bio je: do 12.04.2023. godine do 09:00 časova.				

Predstavnici imenovanih ponuđača nisu prisustvovali otvaranju pristiglih ponuda, te im je Zapisnik o otvaranju ponuda broj: 13614/23 od 12.04.2023. godine prosljeđen isti dan putem mejla i na isti nije bilo primjedbi.

ANALIZA PONUDA:

Zatvoreni sastanak Komisije, na kojem su pregledane pristigle ponude, te izvršena analiza dostavljene dokumentacije, održan je dana 20.04.2023. godine.

ANALITIČKI PRIKAZ TRAŽENIH I DOSTAVLJENIH DOKUMENATA NA OSNOVU KOJIH SE UTVRĐUJE POSTOJE LI RAZLOZI ELIMINACIJE PONUĐAČA:

OBAVEZNI DOKUMENTI KOJE PONUDA MORA DA SADRŽI	Ponuđač: „TREASURE“ d.o.o. Zenica	Ponuđač: „FERHEM“ d.o.o. Lukavac	Ponuđač: „MARKANT“ d.o.o. Valjevo	Grupa ponuđača: „LOGISTICT & CONSULTING POINT“ d.o.o. Novi Sad i „ EX BC“ d.o.o. Beograd
Obrazac za dostavljanje ponude - Aneks 2	Dostavljen	Dostavljen	Dostavljen	Dostavljen

Obrazac za cijenu ponude - Aneks 3	Dostavljen	Dostavljen	Dostavljen	Dostavljen
Potpisan i ovjeren nacrt okvirnog sporazuma i ugovora - Aneks 5	Dostavljeni	Dostavljeni	Dostavljeni	Dostavljeni
Popis izvršenog ugovora – Aneks 6	Dostavljen	Dostavljen	Dostavljen	Dostavljen – nije u skladu sa zahtjevima iz TD
Potvrda o izvršenom ugovoru	Dostavljena	Dostavljena	Dostavljena	Nije dostavljena
Ovjereni Izjava u vezi člana 45. ZJN BiH – Prilog 1	Dostavljena	Dostavljena	Dostavljena	Dostavljena
Ovjereni Izjava ponuđača u vezi člana 47. ZJN – Prilog 2	Dostavljena	Dostavljena	Dostavljena	Dostavljena
Potvrda poslovne banke	Dostavljena	Dostavljena	Dostavljena	Dostavljena
Garancija za ozbiljnost ponude	Dostavljena	Dostavljena	Dostavljena	Dostavljena
Izvod iz sudskog registra	Dostavljen	Dostavljen	Dostavljen	Dostavljen – nije u skladu sa zahtjevima iz TD
Ovjereni Izjava ponuđača u vezi člana 52. ZJN BiH – Prilog 3	Dostavljena	Dostavljena	Dostavljena	Dostavljena
Izjava u skladu sa tačkom 6.1 pod k)	Dostavljena	Dostavljena	Dostavljena	Nije dostavljena

PONUDE KOJE NISU ISPUNILE SVE TEHNIČKE, FORMALNO-PRAVNE ZAHTJEVE I MINIMUM KVALIFIKACIONIH USLOVA:

1. Grupa ponuđača: „LOGISTICT & CONSULTING POINT“ d.o.o. Novi Sad i „ EX BC“ d.o.o. Beograd

Ponuda grupe ponuđača „LOGISTICT & CONSULTING POINT“ d.o.o. Novi Sad i „ EX BC“ d.o.o. Beograd, nije ispunila sve uslove za kvalifikaciju, te nije prihvatljiva za Ugovorni organ, iz sljedećih razloga:

U skladu sa tačkom 4.6 i 4.6.1 Tenderskog dokumenta, ponuđači su kao dokaz u cilju ocjene sposobnosti obavljanja profesionalne djelatnosti, a shodno članu 46. Zakona o javnim nabavkama BiH, bili u obavezi dostaviti:

„4.6 Potrebni dokazi u cilju ocjene sposobnosti obavljanja profesionalne djelatnosti (uslovima iz tačke 4.5 Tenderske dokumentacije):

Izvod iz Sudskog registra ili dokument koji je ekvivalentan izvodu iz sudskog registra odnosno posebna izjava ili potvrda nadležnog organa kojom se dokazuje njihovo pravo da obavljaju profesionalnu djelatnost, sve prema važećim propisima zemlje sjedišta ponuđača/zemlje u kojoj je registrovan ponuđač. **Dokazi koji se dostavljaju moraju biti originali ili ovjerene kopije.**

4.6.1 NAPOMENA:

- Ukoliko se radi o zajedničkom nastupu, sposobnost obavljanja profesionalne djelatnosti se utvrđuju za svakog člana pojedinačno, odnosno svi članovi grupše ponuđača zajedno moraju

biti registrovani za obavljanje djelatnosti koja je predmet nabavke ili za dio predmeta nabavke.“

Član grupe ponuđača „EX BC“ d.o.o. Beograd je na stranama od 32 do 35 svoje ponude dostavio Izvod o registraciji privrednog subjekta, a koji nije u skladu sa zahtjevom iz naprijed citiranih tačaka 4.6 i 4.6.1 Tenderskog dokumenta.

Naime, tačkama 4.6 i 4.6.1 Tenderskog dokumenta zahtjevano je da dokazi koji se dostavljaju moraju biti originalni ili ovjerene kopije, a imenovani član grupe ponuđača je navedeni dokaz dostavio u formi obične kopije.

Pored toga tačkom 4.9 i 4.10 predmetne tenderske dokumentacije zahtijevano je:

„4.9 Ponuđači shodno Članu 50. ZJN BiH (Tehtrička i profesionalna sposobnost) moraju zadovoljiti sledeće minimalne uslove: Uspješno iskustvo u realizaciji jednog izvršenog istog ili sličnog ugovora u poslednje 3 godine računajući od kajnjeg roka određenog za dostavu ponuda minimalne finansijske vrijednosti 300.000,00 KM bez uračunatog PDV-a. Pod sličnim ugovorom podrazumjeva se ugovor na isporuci crne metalurgije (čeličnih cijevi i/ili crnih čeličnih limova i/ili legiranih limova)

4.10 Potrebni dokazi u cilju ocjene tehničke i profesionalne sposobnosti ponuđača:

a) Popis izvršenog istog ili sličnog ugovora u poslednje 3 godine, računajući od krajnjeg roka za dostavu ponuda, a kao lični dokument koji izdaje sam ponuđač (u skladu sa šemom datom u Aneksu 6).

Popis izvršenog ugovora mora da sadrži: naziv i sjedište ugovornih strana ili privrednih subjekata, predmet ugovora, vrijednost ugovora i vrijeme i mjesto izvršenja ugovora.

Uz navedenu listu, ponuđač je bio obavezan dostaviti:

Original ili kopiju ovjerenu od strane nadležne institucije potvrdu o izvršenom ugovoru, izdatu od strane druge ugovorne strane, sa ocjenom uspješnosti realizacije ugovora. Potvrda mora da sadrži naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora, navode o uredno izvršenim ugovorima ili Izjavu ponuđača (pod punom materjalnom i krivičnom odgovornošću) o izvršenim uslugama, ukoliko se gore navedna potvrda o izvršenim uslugama ne može dobiti iz razloga izvan kontrole ponuđača potrebno je navesti i dokumentovati razloge nemogućnosti dobijanja navedene potvrde (obrazloženje i priložena dokumentacija moraju da se tiču objektivnih okolnosti koji su izvan kontrole ponuđača – Izvršioca).“

Grupa ponuđača „LOGISTICT & CONSULTING POINT“ d.o.o. Novi Sad i „EX BC“ d.o.o. Beograd je na strani 14 svoje ponude dostavila Popis izvršenih ugovora (Aneks 6) koji nije u skladu sa zahtjevima iz tačke 4.9 tenderske dokumentacije gdje je Ugovorni organ zahtjevao:

„Uspješno iskustvo u realizaciji jednog izvršenog istog ili sličnog Ugovora u poslednje 3 godine računajući od krajnjeg roka za dostavu ponuda minimalne finansijske vrijednosti 300.000,00 KM bez PDV-a.

Pod sličnim ugovorom se podrazumjeva ugovor na isporuci crne metalurgije (čeličnih cijevi i/ili crnih čeličnih limova i/ili legiranih limova)“

Imenovana grupa ponuđača je u Popisu izvršenih ugovora (Aneks 6) navela da je realizovala ugovor na izvođenju bravarskih i čeličarskih radova, što je u suprotnosti sa zahtjevima iz tačke 4.9 predmetnog tenderskog dokumenta.

Nadalje, Grupa ponuđača „LOGISTICT & CONSULTING POINT“ d.o.o. Novi Sad i „EX BC“ d.o.o. Beograd je na stranama od 39 do 48, svoje ponude, dostavila Ugovor o izvođenju radova kao i Zapisnik o primopredaji radova što je suprotno zahtjevima iz tačke 4.10 pod a) tenderke dokumentaciju. Navedenom tačkom zahtjevano je da ponuđač dostavi dokument u formi Potvrde o izvršenom ugovoru izdatu od druge ugovorne strane.

Naime, imenovana Grupa ponuđača je svoju tehničku i profesionalnu sposobnost bila u obavezi dokazati Potvrdom o izvršenom ugovoru izdatom od druge ugovorne strane, koju je bila u obavezi dostaviti u originalu ili kopiji ovjerenoj od strane nadležne institucije, a ne Ugovorom o izvođenju

radova kao i Zapisnikom o primopredaji radova kako je imenovana grupa ponuđača dostavila. Pored toga dostavljeni Ugovor o izvođenju rado i Zapisnik o primopredaji radova nisu u skadu sa zahtjevom iz tačke 4.9 tenderske dokumentacije kojom je zahtjevano iskustvo u isporuci čeličnih gredica, crne metalurgije (čeličnih cijevi i/ili crnih čeličnih limova i/ili legiranih limova).

Nadalje, tačkom 6.1 pod k) predmetnog tenderkog dokumenta zahtijevano je:

k) Izjava ponuđača da će prilikom isporuke robe dostaviti ateste za isporučenu robu koji će se odnositi na šaržu koja je isporučena."

Grupa ponuđača „LOGISTICT & CONSULTING POINT“ d.o.o. Novi Sad i „ EX BC“ d.o.o. Beograd u svojoj ponudi nije dostavila navedenu izjavu.

Slijedom navedenog, Komisija za javnu nabavku je predložila da se u skladu sa članom 32. stav (4) ZJN BiH, zaključi okvirni sporazum, sa opcijom mini tenderisanja, na period do 12 (dvanaest) mjeseci i maksimalne finansijske vrijednosti do 750.000,00 KM bez PDV-a, i to sa sljedećim ponuđačima:

- „FERHEM“ d.o.o. Lukavac;
- „MARKANT“ d.o.o. Valjevo;
- „TREASURE“ d.o.o. Zenica;

U postupku donošenja Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu dostavljenih ponuda, u skladu sa kriterijumima iz Tenderske dokumentacije.

U postupku ocjene provedenog postupka, Uprava Preduzeća nije našla razloge nepravilnosti niti propusta u radu, koji bi eventualno bili osnov za neprihvatanje Preporuke Komisije za javne nabavke. Naime, u postupku je ocijenjeno da je Komisija u svemu pravilno postupila u skladu sa Zakonom, podzakonskim i internim aktima i Tenderskim dokumentom.

Iz navedenih razloga, primjenom člana 64. stav (1) tačka a) ZJN BiH, te člana 57. Statuta MH „ERS“ MP a.d Trebinje – ZP „RiTE Ugljevik“ AD Ugljevik, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Kancelariji za razmatranje žalbi, putem Ugovornog organa, u pisanoj formi direktno ili preporučenom poštanskom pošiljkom na adresu: Mješoviti Holding „ERS“ - MP a.d. Trebinje ZP „Rudnik i Termoelektrana Ugljevik“ a.d. Ugljevik, Ugljevik bb, 76330 Ugljevik. Žalba se podnosi u najmanje 3 (tri) primjerka.

Dostavljeno:

1. Ponuđačima,
2. Upravi Preduzeća,
3. Komisiji za javne nabavke,
4. Službi za pravne i korp. posl.,
5. a/a.



VD Izv. dir. za posl. proiz. el. ener. i razvoja Termoelektrane

VD Izvršnog direktora za posl. proiz. uglja i razvoja Rudnika

VD Izvršnog direktora za ekonomsko-finansijske poslove

VD Izvršnog direktora za korporativne poslove

VD Izvršnog direktora za opšte i pravne poslove

